

晉書卷之三

第拾冊

列女志三

雜事志

序錄

商水縣志卷二十三

列女志三

節婦

李鴻章妻支氏二十八歲寡無子女事翁姑養葬無缺禮

蘇宗仁妻李氏年二十七夫故守節

以上二人現年八十八

黃秀文妻李氏年二十二夫故子甫二歲事翁姑撫孤子備極艱

辛娶媳王氏生一子又歿姑媳雙寡撫孤孫成立李現年八十

七王六十三

雙節

徐灣妻吳氏年二十三夫故無子孤苦無依艱貞自勵

上二人現年八十七

李桂妻雷氏年二十夫故翁姑繼逝一女亦殤為夫立嗣未幾嗣

子夫婦俱亡遺一孫家貧如洗氏撫孤孫紡織自養冰霜苦節

六十餘年

商水縣志

卷二十三

列女志

一

申進修妻魯氏年十八于歸事孀姑孝數年夫故子甫八齡姑老

且瞽及子成立娶媳某氏生一子又亡三世苦孀共撫藐孤艱

苦度日姑現年八十六魯六十四媳三十九

三節

魏號妻孫氏孫文知女年二十四于歸結褵十七日夫故氏立志

守節孝敬翁姑夫有二弟撫之有恩姑有疾數月不愈氏晝夜

服侍毫無倦心翁姑歿拮据營葬以夫姪孫為嗣

廩生張畏三妻李氏復姓女于歸生二子霖棠而寡事邁姑撫幼

子興家立業庭內秩然守節五十餘年

以上四人現年八十六

李燦妻蘇氏家貧紡績為養性慈好施不以貧而或吝無子撫夫

姪為嗣夫故母家疎族某欲奪其志氏慟哭流涕誓死不從卒

全其節現年八十五

姚克秋妻聶氏二十五夫故無子女家寒甚念翁姑年高苦守奉

養翁姑歿殯葬盡力以夫姪玉聘承嗣教養備至王聘克遵母

訓家業振興

現年八十四

王嘉賓妻魏氏年二十六夫歿苦守冰操

胡存心妻王氏年二十于歸二十九夫故一女撫養成人平居莊

敬自持接人色溫氣和親戚多敬愛之恪守清節四十餘載

王鳳洲妻趙氏年十九于歸一載夫故遺腹生子朝彥趙矢志守

節姑性嚴氏曲意承歡翁病癱瘓數年奉養未嘗怠翁歿姑又

患癱手足不能自由每日三餐非趙持碗執箸不能食如是者

五年晝夜勞苦毫無煩意姑歿值歲歉趙紡織度日與孤子相

依爲命子歸商始免凍餒及朝彥卒趙惟撫孫曾以自遣而已

以上三人現年八十三

王棟材妻馬氏年二十五夫歿遺腹月餘生子好智氏苦守撫孤

商水縣志

卷二十三 列女志

二

夫弟亦早歿妻陳氏年二十五馬與陳共事孀姑撫弱子成立

娶媳王氏入門三月又寡娣姒姑媳共勵冰孀相依爲命馬現

年八十二陳壽七十六王現年五十八

節三

訾脩新妻王氏年二十九夫故遺子成功撫之成立婚娶後夫婦

繼亡氏孤身苦度歷久彌堅

宋隆祥妻王氏夫故守志苦節能貞

高正名妻溫氏夫故氏年二十九子復良尙幼氏事繼姑克敬克

孝體愛周至教子讀書兼業武督責甚嚴

陳培璽妻孫氏于歸一年夫故姑早沒氏勸翁復娶踰年翁歿氏

事繼姑始終不懈

監貢張金吾妻倪氏早寡三子皆幼親老病痿氏左右扶持日不

離側及歿喪葬竭力撫孤成立備歷艱辛

李蔡妻蘇氏二十八夫故守節以上七人皆現年八十二

高雲龍妻張氏年二十夫亡矢志守節時翁伯仲俱老邁夫從弟尚幼氏孝養諸翁撫恤弱叔操持家務及從弟成室生子一女五夫婦俱逝氏撫養一如親生男婚女嫁皆不知無母焉

孫國柱妻侯氏侯有鄰女年三十夫故守節事姑二十餘年孝養無怠

杜敦妻高氏年二十五夫故翁姑子女俱無且家貧無養氏志節耿耿歷久不移資針黹紡織度日

胡荒春妻顧氏年二十七夫故子三齡貧無以養氏晝夜織紡堅貞自守撫子成立以上四人現年八十

翟書妻王氏年二十八夫故無子女家貧苦守紡織度日事翁姑克盡孝道

商水縣志 卷二十三 列女志 三

馬改成妻張氏于歸數月即寡無子家極貧紡織度日守節數十年人無閒言上二人現年七十九

姚克順妻馬氏二十七歲夫故子女皆無姑年高多病氏奉事不倦倦姑歿殯葬如禮孤苦淒涼貞操益勵

王振妻郭氏年二十八夫故無出冰霜自勵善事翁姑家小康猶紡織不輟

王丙東妻李氏年二十九夫故撫子成立上三人現年七十八

劉鎮妻張氏年十七于歸二十一夫故無子以夫姪柏為嗣柏又死撫孫叩成人

李立妻王氏十九歲夫故遺腹生女服闋後翁姑憐其幼商於父母欲嫁之氏以有女在泣涕不從終守初志

王萬春妻陳氏二十一歲守節紡績養姑以夫兄子黑泰為嗣清

節五十餘年

張文成妻韓氏年二十二夫故無子孝事雙親人無閒言

以上四年現

七十

齊峻峰妻黃氏年二十九夫歿子僅二齡氏冰霜勵操事重闈並伯翁姑俱以孝稱撫孤成立

徐端陽妻郭氏二十六歲夫故遺二子家且貧氏事親撫孤勤紡織晝夜弗遑二子成立家道小康

李臨川妻許氏年十六適臨川三載夫故一女欲自經翁勸曰汝死不益增汝姑悲乎且女幼將誰賴氏矢志守節事二親養葬盡禮撫幼女成人

蔡大榮妻賈氏于歸七載夫故典宅以葬撫二女紡織爲生誓無他志嗣以勤儉積金將宅贖回以夫姪爲嗣愛如己出

商水縣志

卷二十三

列女志

四

王培宗妻張氏年二十六夫故乏子守節孝親待夫姪有恩翁姑歿氏獨操家務鮮有缺失

李灼南妻竇氏與夫弟灼然妻于氏年皆二十二夫故無出共事衰姑勤儉持家夫三弟灼榜中年失匹竇爲出貲繼娶王氏生一子灼榜又亡竇撫爲夫嗣三節一孤人共憐之竇現年七十六于六十王五十六

三節

程五倫妻李氏李煖女年二十八夫故一子秀山方六歲祖姑與姑泣謂氏曰程氏五世皆孤先人之祀全係此子爾其善視之氏涕泣受命勤苦自勵

以上七人現年七十六

王金山妻單氏二十三夫故遺二子家甚寒苦守孝事翁姑翁姑歿經營葬事艱辛備至及子文彥文平成立且孝家道亦漸小

康

州同銜朱文光妻張氏步嶺女于歸未百日夫故矢志堅貞姑老
多病事之曲盡婦道生養死葬靡不盡禮主持家政井井有條
以夫從姪泰運爲嗣不幸亦歿遺婦王氏子女均無事祖姑與
姑承顏視志曲盡孝養閭里重之節雙

李懷寶妻王氏十八歲于歸二十九歲夫故三子家貧苦氏貞節
自勵孝事舅姑教子成立

王俊傑妻趙氏年二十三夫故孤守無依紡織自養終無他志

張某妻李氏榮先母三十歲夫歿撫子成立清操四十餘載

邵三元妻陳氏增生陳百萬女明大義年二十六夫故清節自勵
撫夫姪及孫恩勤備至

程大樹妻劉氏二十歲夫故無出撫夫姪爲嗣娶媳生一孫未幾

嗣子又亡姑媳共撫弱孫成立現年七十五媳五十五節雙

商水縣志

卷二十三

列女志

五

王丙南妻黃氏年二十六夫故教子成立

王拴妻李氏早寡苦守孝事翁姑資紡績以養守節四十餘年

蘇宗榮妻張氏年二十夫故守節

張其苞妻張氏二十六歲夫歿翁有痿疾氏左右奉養無難色

朱士元妻鄧氏年二十三夫故苦節五十餘年以上十二人
現年七十五

葉敏瑞妻王氏王汝松女二十七歲夫故無子氏貞操自勵以夫

姪世珍嗣

劉謙三妻王氏年三十夫故貧苦無依恪守貞節紡織度日苦守
四十餘年

趙東山妻王氏二十八夫故子女俱幼殷勤撫育子復早殤氏痛
不欲生撫夫姪爲嗣恩勤備至

王漢宗妻安氏年十九于歸二十七夫故乏子家無斗筲親鮮期

功矢志靡他零丁孤苦艱貞愈勵

劉來聘妻任氏年二十一于歸二十九歲夫故家貧紡績度日守節四十餘年

陳戊申妻王氏年二十九夫故無子家貧苦守依夫弟佃田爲養日夜勤勞爲家人先撫夫姪有恩

李掄英妻史氏年二十餘夫故無子貞節自持事翁姑以孝撫夫姪爲嗣晝夜紡績勤儉備至

以上七人現年七十四

柴憲文妻王氏二十一歲夫故子女皆無栢舟自矢內外無間言雖家號素封氏常衣布素晝夜績紡不憚勞瘁

時喜妻某氏年二十八夫故四女家貧苦傭於族家養四女成人李殿儒妻雷氏年二十二夫故子女俱無苦節自勵持家勤儉

康興禮妻牛氏十九歲于歸入門興禮病重奄至四十日而卒氏

商水縣志

卷二十三

列女志

六

苦志守節冰霜凜然

張壽堂妻葉氏早寡姑老女幼事養無缺撫夫姪昭明爲嗣勤儉起家

王廷颺繼室牛氏年二十一于歸性莊嚴言笑不苟生二子年三十夫故矢志靡他勤儉持家不出戶庭教子成立

顧九河妻高氏七月夫故哀毀逾常欲身殉翁姑泣勸乃止孝事翁姑和睦娣姒遇夫忌日泣祭輟食家雖素封絕華臚甘布素

以夫姪爲嗣

党秀武妻趙氏二十七歲夫故姑老子僅數齡氏上事下撫各盡其道喪葬婚娶竭力經營至者不息

鄧學禮妻張氏張泰皋女年十七于歸夫故氏年二十九子女俱無家復貧矢志苦守夫弟遺二子一女氏保愛諸孤男婚女嫁

皆自經營以夫姪承嗣

以上九人現年七十三

朱連城妻魏氏二十八夫故僅二女舅姑在堂克盡孝道舅姑歿
殯葬如禮撫弱女成人

杜穴妻許氏許敬賓女年二十二夫故無子孝事舅姑數十年舅
姑歿以禮殯葬

史崇德妻許氏歸崇德克執婦道孝事翁姑崇德歿氏年二十餘
遺腹生子繼禹撫養成人諸孫林立

史睦妻王氏二十餘夫故無子女苦守貞節以夫姪繼棟爲嗣

高周妻張氏年十七于歸越八載夫故無出矢志靡他事翁姑養
葬盡禮夫從弟夫婦繼亡遺子女撫之有恩

史開泰妻李氏年十九于歸未數載夫故無出家清貧氏矢志守
節孝事翁姑家人勸改適不從潛謀嫁之事已諧氏聞走匿鄰

商水縣志

卷二十三

列女志

七

家欲自縊鄰不敢匿轉依戚黨爲傭家人力迫其歸氏不得已
逃入修真庵削髮放足爲尼終得全節

薛如錫妻史氏年十八于歸二十四夫故女僅二齡男甫四月弟
如圭妻趙氏貢生趙步斗女結褵十一月如圭亡無出氏與趙

共勵冰霜孝事翁姑同撫子女成立一門雙節交相矜勗史現
年七十二趙六十九

雙節

王啟明妻鄧氏年二十六夫亡無出姑早世鄧爲宗祧計勸翁一
再繼娶均沒遺幼子鄧撫之成立

魏西賓妻劉氏性賢淑年十八于歸越三載西賓病故遺一子氏
恪守貞節翁年九旬虔心事之無缺禮撫孤成立

柴党妻趙氏夫故氏年二十四苦節自守翁姑年邁氏勤織紡以
供養撫孤教之必嚴

高名立妻苗氏年十九夫故子女皆無家貧資紡績以養翁姑有疾湯藥親嘗不稍怠以夫姪復善爲嗣

上十一人現年七十二

郭全東妻文氏二十三夫故守節竭力盡孝自奉儉約和睦娣姒鄰里交稱其賢

傅冠儒妻唐氏結褵數月夫故氏年二十苦節是守

李套妻范氏年二十九夫故家貧奉養翁姑撫二子成立

韓保元妻張氏二十七夫故苦志守節勤勞持家孝事翁姑歷久不懈未幾翁姑歿盡禮以葬以夫姪孫延嗣恩義有加

李蝙蝠妻王氏八歲卽童養夫家成禮後生子僅三歲夫病故翁姑老家又貧苦氏上事下恤各盡其道

齊普收妻某氏光緒三年歲饑普收逃死外方家赤貧翁老子幼氏傭身以養翁歿竭力營葬撫子成立

商水縣志

卷二十三

列女志

八

欒守義妻郭氏三十歲夫故家貧苦紡績自養

王長仁妻竇氏夫故氏年二十三孝事翁姑無異志庶姑尋生子氏愛如掌珠相助撫養成立

宋丑妻王氏年二十餘夫故一子鰲撫養成人娶妻生子

以上九年現年

七十

董理祿妻石氏三十歲夫故子殤貧苦無依志節不改

李七妻王氏年十八夫故孝事翁姑勤儉治家

徐天申妻張氏年二十七夫故無子女以夫兄子朗臣爲嗣事翁姑克盡孝道翁姑歿殯葬盡禮

王如梁妻陳氏早寡一子冠英甫數齡撫育成人娶媳唐氏生孫

珍銘冠英又卒陳痛子憐婦鬱鬱以死唐隻身撫孤辛苦備嘗珍銘旣長娶張氏生子二年二十餘珍銘又亡張上奉孀姑下

撫弱息孝慈兩全一門三節鄉里稱之今唐氏已歿張年七十
王本全妻趙氏年二十餘夫故無子家貧傭於人賴工貲養姑與
女夫弟貧不能娶氏夙夜經營爲之成室

周元仁妻文氏年十九適元仁甫兩月夫死氏悲極欲殉念有遺
腹冀延似續舉一女不育氏一慟幾絕姑慰曰汝夫弟欽仁已
五月倘天不滅周延此一線尚可依以爲命氏乃飲泣忍死苦
節奉親欽仁娶趙氏生子女各一欽仁復歿趙年二十六亦能
勵節娣姒交愛共撫弱息孝事衰姑及遺孤鳳翔成立文年已
七十趙亦五旬雙節

劉冰妻朱氏年二十七夫故子女俱無氏矢志靡他四十餘年人
無閒言

周熱鬧妻楊氏夫故十七奉養翁姑以婦代子夫嫂失明衣服飲
商水縣志

卷二十三 列女志

九

食皆氏操勞猶且視姪如子始終無間此婦人中所罕見者
杜泮龍母武氏二十四歲夫故孝事翁姑教養孤子及翁姑歿善
視夫弟逾於泮龍謙讓和順坤儀堪式

朱烈妻李氏二十二歲其夫充兵弁陣亡氏苦守清節終無二心
黃奪妻周氏二十八歲夫故一時家人病死者衆遺兩姪一貧如
洗氏晝則乞討夜則紡紵養育成立均爲成室今諸孫林立家
道頗豐

趙君命妻田氏二十八君命病故遺一子氏教以義方毫不姑息
且治家有法一本勤儉

賈季凱妻劉氏二十歲夫故遺腹生一女夫弟四人均幼弱氏代
翁姑服勞勤俗持家與諸娣相處和睦無間

劉鐵錘妻李氏光緒初歲飢氏年二十五夫流寓外方不知所終

夫弟奮亦早故弟婦顧氏年二十一遺孤器尚幼娣姒相依事
衰姑撫孤成人兼祧兩門家貧苦守雙節並峙李現年六十餘

顧現年五十餘雙節

曹文祥妻趙氏年二十九夫歿家貧無出矢志守節清操凜然以
夫姪炳章承嗣人丁頗旺家道漸裕

李開妻葛氏年二十三夫故子幼上事下撫交盡其道翁姑歿喪
具皆自爲經紀及子成立氏仍勤勞不息

韓流妻蕭氏年二十于歸四載夫故遺一女又殤氏冰霜自凜誓
死無他孝翁姑和娣姒翁姑歿夫兄嫂繼逝氏操家益勤待夫
姪有恩姪媳又亡孫方週歲氏撫養成人

袁章妻李氏年十八夫故無出家貧氏勤儉自持家業日增事姑
盡禮撫夫姪爲嗣

商水縣志

卷二十三

列女志

十

康兆鳳妻高氏年二十八夫故教子成立

田某妻張氏希賢母年二十守節孝事翁姑撫子成立

蘇苟奪妻王氏年二十餘夫故一子冠羣撫之成立持家勤勞老
猶康健

黃金聲妻王氏二十七歲夫故一子文炳甫三歲家貧苦守翁玉
書早歿事姑敬順無違教子成人

韓甲榮祖母馬氏十八歲夫故翁姑在堂奉事極謹二子幼弱盡
力教養不幸其子又亡遺孀媳田氏二十四歲幼孫甲榮操勞
撫字日無寧日晷先是馬氏恪執婦道田氏仰姑孝行奉爲楷
模故其事馬氏亦如之姑媳孝慈人無閒言

王文彦妻陳氏二十八歲夫故遺二女家貧苦守孝事翁姑翁姑
歿竭力營葬撫二女成人孤身織紡苦度光陰

王言妻李氏二十二歲夫故女一貞節自守以夫姪石頭嗣
宋格拉妻王氏年二十餘夫故無子以夫姪鐵鏽爲嗣鐵鏽又早
死撫孀媳幼孫其遭更苦終無怠志

廩生李廷度妻葉氏年二十五廷度歿葉奉養雙親益孝教子可
幹成立子又早亡撫孫成人家聲不墮皆氏力焉光緒二十九
年請准旌表

符保生妻王氏年二十七夫故一子甫二齡翁已老氏恪守婦道
貞潔自持事親撫孤孝慈無忝

孫憲章妻王氏二十九歲夫故家貧苦守無子女翁垂老祖姑年
八十餘且患癱氏左右事奉日夜不離側孝稱鄉里

趙佩妻胡氏年十九于歸夫蕩產貧如洗未幾夫亡氏與弱女依
寡嫂母氏之操井臼勤澣濯數十年如一日

商水縣志

卷二十三

列女志

十一

程世德妻高氏年二十八夫故無子女事衰姑勤織紡終無怠志
李某妻彭氏年二十餘夫故遺二子家貧資鍼黹以養二子均婚
娶諸孫林立家漸小康

張中妻談氏年十八于歸家貧如洗衰翁在堂夫傭工氏織紡以
爲養越數年翁歿夫得足疾未幾夫歿子殤氏年三十支身無
依誓守貞操艱苦備嘗

張景曾妻王氏性慈善年二十六夫故撫二子事翁姑以孝慈稱
柴所妻張氏張書本女適所五月而寡氏矢志靡他事祖翁及姑

孝敬無違

以上十三人
現年六十八

楊煜妻劉氏二十八歲夫故遺一子樹田九歲一女六歲家寒甚
翁姑相繼歿竭力營葬恃鍼黹度日教養子女成立家亦小康
王希孔妻閻氏夫故年二十六無子家貧寒氏晝夜織紡一女適

楊獨守苦節三十年

王牛妻程氏年十七于歸二十七夫故僅一女氏欲殉翁曰吾老
孫女幼爾死安賴乃止事翁撫女紡績度日艱苦備嘗翁歿竭
力葬之撫女成人

郭金成妻魏氏年三十夫故家赤貧僅二女氏勤儉持家績紡度
日撫女成立

侯孟妻田氏年二十三夫故苦守清節織紡自給小心謹慎處娣
姒無閒言

徐報妻張氏張天佑女年二十六夫故一子維精方數齡撫之成
立授室後又亡兩世孤孀煢煢苦守雙節

王秀生妻郭氏二十七歲夫故守節無子事殘姑撫嗣子克盡孝
慈

商水縣志

卷二十三

列女志

十一

唐溝妻顧氏年二十六夫故安貧守節紡績自養歷久不懈

于元妻張氏十七歲于歸二十四夫故勵志守節善事翁姑撫三
女皆成立勤儉持家清節彌勵以上九人現年六十七

崔拴妻王氏于歸數月夫故矢志靡他

葉天珠妻高氏于歸數月夫歿性孝順勸翁再娶生子未幾翁姑
俱卒喪葬諸事皆自經營復教養弱叔操勞家政

周秉方妻鄭氏二十六夫故子女皆無撫姪爲嗣

趙學文妻陳氏年二十六夫故無子女事翁克盡婦道喪葬如禮

魏光先妻賈氏二十四歲夫故無翁姑子女堅守苦節

周全立妻梁氏二十一歲夫故一子教養成人甫授室子又死氏
復撫育孀媳待之若女一門雙節鄉鄰重之以上六人現年六十餘

屈某妻某氏年十九于歸數月夫歿誓守貞操夫姪保方幼撫以

爲嗣教養成人

蕭春芳妻智氏年二十九夫故遺二子翁姑先逝與夫伯父同居
竭誠奉事內外無閒言撫二子成立

于臨淵妻張氏張錫彤女年二十八夫故遺三女氏孝事舅姑教
養諸女有法賢聲孚里黨

王掄元妻王氏事姑善承意旨掄元病歿氏年二十九子書勤尙
幼氏持家勤勞和睦娣姒夫次弟掄傑妻張氏于歸二載掄傑
亦亡無子命書勤應嗣三弟掄秀妻王氏掄秀沒妻二十一
門三寡貞節共勵現年六十六張年四十七矣節三

蘇宗賢妻張氏三十夫故守節不渝

謝德春妻陳氏年十八于歸二十四夫故貞節自守善事翁姑教
女甚嚴

商水縣志

卷二十三

列女志

十二

葉廷利妻趙氏年二十六夫故守節

以上七人現年六十六

傅學曾妻唐氏年二十三夫歿貞志自矢凜若冰霜遺腹生女撫
之成立事姑以孝聞

傅熱鬧妻王氏夫故氏年二十七家貧甚事衰翁養孤子拮据萬
狀志終不衰

王成章妻李氏年二十五夫故僅一女紡織度日以夫姪爲嗣視
如已出

郭留成妻陳氏年二十七夫故遺腹生女旋殤僅有衰姑曲盡婦
道苦節能貞

楊花戶妻張氏年二十七夫故乏子女家貧冰霜勵操賴織紡以
養撫夫姪爲嗣

陶顯榮妻訾氏訾脩已女夫故無子撫夫兄子廷棟爲嗣廷棟娣

姒四人少失恃惟氏是依男室女嫁拮据萬狀

趙祥麟妻甘氏幼嫻母教守閨範年十九于歸結縭年餘祥麟歿遺孤世珍祥麟承從伯父嗣兩姑俱在堂家貧親老且遭兵燹氏茹苦含辛勤女紅以佐甘旨務博親歡退則對孤飲泣子稍長竭力助讀援例入成均兩姑後先棄養哀禮交稱光緒丁未請旌

張鹿鳴妻王氏年二十八夫故一子治田方數歲教養成人娶媳

李氏治田又亡姑媳苦守雙節並峙

雙節

史木妻某氏年二十餘夫故無子以夫姪大綱爲嗣

以上九人現年六十五

武生胡存長妻張氏張鴻運女同治九年于歸時年十八結縭八載夫故守節光緒間旌

魏登峯妻王氏二十八歲而寡僅三女氏恪守婦道孝敬翁姑無

商水縣志

卷二十三

列女志

十四

缺禮待夫姪勞愛兼施不事姑息苦守三十餘年冰清玉潔人共稱之

王敦妻劉氏年二十九夫故無子女家且寒矢志苦守事翁姑以孝聞翁姑歿竭力營葬艱難百出賴鍼黹度日貞操彌堅

郭如金妻陳氏年二十三夫故子僅四齡氏貞節自守孝事翁姑教養幼子勞苦萬端俾能自立

李進升妻劉氏年二十八夫故遺子僅數歲孝事翁姑撫子成立家亦漸豐

王龍章妻王氏年二十六夫故遺腹生子撫育成成人艱貞之守始終不二

耿學文妻胡氏二十八歲夫故矢志守節始終不渝學文病劇胡潛割股肉煎入藥中學文服之卽愈未幾以勞復卒生子僅九

月胡忍痛營葬苦守撫孤從伯姑病事奉月餘衣不解帶苦節
純孝鄰里共稱

董老虎妻張氏年三十夫故貞節自守備歷艱苦

張構妻郭氏年二十二夫故遺一子尚在襁褓有勸改適者氏曰
夫亡命也此呱呱者未嘗不可望使無此吾有死而已家貧紡
績度日撫子成家尤能委曲以事翁姑人無閒言

欒默妻周氏十九歲于歸一載夫故無子夫姪貫珠歲方週氏撫
爲嗣及成室媳早亡諸孫男孫女皆賴氏飲食教誨操勞維艱
馬連元妻李氏于歸數年生一子連元病歿氏年二十八苦守節
操孝事翁姑撫幼子成立

王耀章妻黃氏于歸數載生子女各一夫故氏年二十六矢志守
節事姑以孝聞撫子成立經營家計日漸富有

商水縣志

卷二十三 列女志

十五

康兆瑞妻王氏年二十夫故無子苦守清節

王丙寅妻王氏年二十七夫故守節撫孤成立

馬如鳳繼室王氏年二十九夫故無子仰承夫志孝事翁姑撫夫
姪爲嗣待前房女有恩娣姒均愛敬之

縣丞顧九海妻龐氏二十八歲夫故三子天佑天義天成撫養成
人次子天義早世妻雷氏殉節有傳

雷全忠妻張氏夫故子德饒德功皆弱齡家赤貧氏攜子乞食於
外千辛萬苦撫子成立一學工藝一歸農業家漸小康

年六
十四

以上十
六人現

朱龍祥妻趙氏年二十二夫故無子女立志守節孝事衰翁翁歿

竭力營葬撫養夫弟成室生三子氏撫之有恩取一爲夫嗣

祁萬鎰妻程氏年二十六夫故一子旋亡家甚寒氏念翁姑年高

無依矢志守節克盡孝道翁姑歿家無斗筭氏勤女紅善鍼黹拮据自養孤苦堪憫

王繼孔妻王氏年二十七夫故遺女氏以翁姑衰殘苦守堅貞後女沒於水氏痛甚堂前仍作歡顏以娛親撫夫姪若已出

馬子蘭妻張氏年二十餘夫故遺二女氏事翁姑孝敬無違撫女成人

趙純一妻陳氏年二十七夫故痛欲殉念二女尚幼翁姑已老苦志守節翁姑歿竭力營葬撫二女成人

趙際辰妻倪氏年二十四夫故翁衰子幼氏上事下撫各盡其道處娣姒無間言及娶媳生孫子與媳相繼亡撫孫成立兩世撫孤心力俱瘁

董全忠妻王氏年二十八夫故子甫五歲氏矢志靡他冰霜苦度

商水縣志

卷二十三

列女志

十六

撫子成立

王毛妻王氏年十七于歸三十夫故無子苦節誓守撫夫姪如子晝夜績紡三十餘年人無間言

王甲寅妻張氏童養夫家成禮十載夫故孤苦無依紡織自養守節已三十餘年

周鳳翔妻張氏張金堂女年十八于歸越二載夫故無出矢志守節事孀姑至孝姑以慟子成疾牽延二年日加沉重張煎藥捧湯無少懈病劇私割臂肉作羹以進姑食之少愈見張左臂不便屈伸詢之詭曰滾筋故爾姑察知其故牽臂見血跡淋漓歎息流涕越數月姑歿殮葬從豐貞操益勵平生無故不出中門以夫弟長子爲嗣

廩生胡存三繼室李氏年二十一適存三越四十日夫故忍死守

節孝事翁姑前室子五女一幼者尚在襁褓氏撫育如已出教成立克勤廩生克誘庠生

胡克方妻某氏遭髮匪亂父母俱亡氏方七齡流落胡門長字克方生一女夫歿家赤貧又無親族可依氏與女瑩瑩獨立有勸改適者氏拒之曰妾七歲流離長而失匹命也生爲胡氏婦死爲氏鬼吾志決矣

蘇體元妻王氏與夫弟體貴妻王氏體法妻趙氏娣姒三人皆二十三歲而寡共守冰操孝養翁姑以天年終兩王氏現年皆六十三趙氏已五十八矣

三節

王某妻朱氏萬春母年二十五夫故事親養子貞操凜然

王書堂妻王氏性溫淑年十九于歸事翁姑能得其心書堂喜怒無常氏敬奉無敢違年二十九夫故越宿生一子撫養成立備

商水縣志

卷二十三

列女志

十七

極艱辛操持家務一身任之娣姒以爲賢

監生趙得忠繼室劉氏年十九于歸撫前房子若已出生子女各一夫故氏年二十八子長外出而亡家中落資鍼黹以養終無異志性貞靜非親戚往來不出戶庭

趙成妻王氏年二十一適成家貧不能自存氏日夜操作服食皆手所拮据生一子一女年三十夫歿子又夭撫女苦度無異志女長憐母孤孀終身事母誓不字人有議婚者力卻之母女相依爲命浣衣縫紉以自給氏現年六十三女年三十二

文雙來妻安氏年二十八夫故僅一女家極貧氏冰操自勵紡織

以給饗殮母女二人相依爲命撫夫姪有恩

上十八人現年六十三

姚有朋妻張氏年二十八夫故遺二子忍痛撫孤性至孝姑病癱瘓卧牀五年氏日夜侍奉未嘗稍懈家貧資織紡以養二子皆

能自立

史犬妻呂氏夫歿於外一子甫三歲呂年二十六苦節自持家貧無養傭於人歷十年撫子成立娶媳陶氏子又亡陶亦矢志守節呂現年六十二陶年近四旬

雙節

郭振羽妻王氏年二十四夫故家貧不堪自給氏勤儉理家和睦鄉里人咸稱其節

賀知禮妻韓氏年十九于歸越十年夫故僅一女氏一痛幾絕誓不欲生賴姒氏蘇多方勸慰乃對天自矢永守冰霜服粗食淡紡績維勤松筠之節衆共稱之

武生時睿堂妻李氏年二十七夫故一子東初甫數歲教養成室未幾亦卒與孀媳馮氏茹苦含辛冰霜共勵

雙節

時兆吉妻劉氏三十歲夫故三子長錦堂成室後亦早世

商水縣志

卷二十三

列女志

十八

趙容妻李氏夫歿氏年二十三無子姑年已七旬晝夜不離姑側歷十一年無懈志姑歿營葬竭力營營孤守其節更苦

韓逢年妻李氏二十一夫故家貧撫二歲孤成立事繼姑曲盡孝養

王尙敬妻王氏年三十夫故奉親撫子孝慈兼盡

吳天平妻倪氏夫故氏年二十八一男二女氏貞節自守孝事翁姑教子誦讀教女織紡皆能成立

謝貫一妻劉氏年十八于歸二十七夫故家貧無養苦節是守賴紡織以事翁姑撫幼女成人

王大羣妻李氏二十一歲夫歿遺子尙在襁褓姑年老家貧苦養親育子一身任之現已守節四十一年

徐憲文妻柴氏監生柴煥文女年二十三夫故孝事翁姑十餘年

無怠志翁姑歿葬以禮撫夫從弟子天敘爲嗣

以上十三人現年六十二

張克勤妻趙氏二十五夫故無子守節孝事翁姑以夫姪耀宗承

嗣教養有方年六十一

周克至妻楊氏十八歲夫故事姑每食必手調旨甘夜則熨貼茵褥同榻而眠如是者始終不懈

李惠章妻劉氏二十一歲夫故衰翁在堂竭力奉事無間

李蔴器妻史氏十九歲夫故孝事翁姑苦節純孝鄉人稱之

顧麥齊妻文童柴如新女二十七歲夫故一女家貧乞討爲生及女子歸就食以全清操

陶金鐸妻魏氏年十八于歸二載夫故無出勸翁繼娶舉二子翁

姑繼逝氏撫二叔成立陳州知府鄒以節勵蘖冰旌之

以上五人現年

六十餘

商水縣志

卷二十三

列女志

十九

安玉柱妻石氏玉柱貿易在外遇害氏年二十二上有翁姑下遺

孤子家且貧竭力撫事翁姑歿拮据營葬爲子謀室未幾子媳相繼死幸有孤孫氏以養以教絕不姑息

張朝興妻谷氏年二十八夫故無子女立志苦守事翁姑甚孝鄉里皆頌其賢

韓鳳年妻李氏庠生李棟公女二十五歲夫故撫子震方成人

陳玉堂妻羅氏年十九適陳未匝月玉堂外經商病歿歸羅痛恨幾絕復念翁姑俱邁以養生送死爲已任未幾翁病羅侍湯藥無缺及歿殮葬如禮事姑曲意承志始終不渝

朱子明妻孫氏年二十七子明歿氏孝事翁姑一如夫在時撫二子一女成立

馮大年妻田氏夫故氏方二十二無子事翁姑至孝撫二女嫁之

母家中落年老乏嗣迎養於家數十年不怠病故以禮歸葬現守節三十餘年

李慰公繼室張氏二十歲于歸未幾夫故事姑能盡婦職待前房子有恩宣統三年邑紳以節孝事請旌

黃福妻尹氏年二十八福故家貧苦紡績以奉衰翁撫子成立張榜妻程氏夫故無子家貧紡績度日撫夫姪爲嗣守節已三十年

貢生王之楨側室陳氏年二十六夫歿一女以夫姪萬章爲嗣未幾萬章歿孫東銘亦歿氏撫曾孫樹棠成人爲之娶妻生子氏見玄孫

許繼先妻段氏夫故無出矢志守節孝事繼姑三十年未嘗稍懈待夫異母弟及諸姪孫輩有恩

商水縣志

卷二十三 列女志

二十

李應變妻史氏夫故氏年二十九一子尙幼氏矢志靡他事翁姑極孝教子最嚴

葉丙寅妻袁氏二十一歲于歸生一女數年夫故氏苦節自矢毫無異志孝事翁姑和睦娣姒烹飪鍼黹勤勞過人

以上十三人現年六十一

高文妻李氏明旗女于歸生三女夫故氏年二十四貞潔自守現年六十餘

趙廣恩妻周氏庠生周制禮女幼聰慧識大義十六歲于歸事翁姑孝生子女各二未幾夫故氏年三十次子次女相繼殤長子廷材成室亦旋亡氏奉姑益謹姑常病侍湯藥寒暑不輟衣不解帶者數年氏去母家里許憐父衰老不時歸寧朝往夕還不辭勞瘁姑卒殮葬從豐

朱慶元妻黃氏年二十五夫故矢志靡他孝事翁姑和睦娣姒無

故不出內間遊戲賽會之場雖姑命未嘗往撫子成立勤儉持家產業倍增

趙舉妻高氏年二十餘夫故子磚頭氏艱辛備歷撫孤成立田茂殿妻張氏張玉堂女年二十二夫故守節撫遺孤賢成立孝事舅姑二十餘年無有懈志及歿殯葬以禮

趙號妻魏氏年二十三夫故守義善主家政室家和平產業興隆皆氏之力

王國祥妻李氏年二十四夫故僅遺二女撫之成人

王利海妻白氏年二十四夫故無子苦守清節

訾鳳雲妻田氏年二十八夫亡田念翁姑無依矢志守節克盡孝道

周昌妻王氏年二十九夫故一女苦勵冰霜善事翁姑翁姑歿葬

商水縣志

卷二十三

列女志

二十一

以禮撫女嫁之孤苦自守清風卓著

李斗妻王氏斗亡氏年二十六貧如洗氏冰霜自勵紡績以養二老夫有姪女失明撫之有恩

張富榮妻王氏十八歲于歸越數月富榮病故氏誓志無他事翁姑和顏悅色非有故不出庭戶節孝之聲鄉鄰樂道

方如茂妻鄭氏十七歲于歸年二十九夫故三子教養周至孝事翁姑與夫伯叔同爨家口繁多飲食衣服半經氏手寒宵暑月未嘗少息年已六旬仍澣炊不輟

以上十二人現年六十

許金堂妻劉氏夫歿氏年二十七一子又殤矢志靡他紡織自養李可親妻王氏年二十八夫故一子又殤氏苦守冰霜已三十年顧九成妻張氏年二十五夫故僅一女孝事翁姑撫女嫁之翁姑相繼歿氏瑩瑩獨立紡績苦度

于發枝妻孫氏年二十五夫故無子女家貧紡績度日養葬舅姑皆盡其道

顧蝙蝠妻王氏年二十七夫故家貧三子俱殤零丁孤苦紡績度日

岳大剛妻王氏年二十四夫故哀慟欲死念弱女無人養育勵志苦守田僅五畝紡績自給節操凜凜

李敦誥妻王氏年二十四夫故子二長旋殤家貧甚母家勸再醮氏以親老子幼不聽勤紡績以供菽水撫弱子成人上七人現年五十九

宋德山妻張氏二十餘夫故撫子文選成人

申卯妻朱氏結褵一載夫故無出姑沒夫弟鎖甫數歲氏撫養成人事翁二十餘年養葬如禮

王彩章妻張氏二十四歲夫故一女孝事衰姑撫女成人以夫姪

商水縣志

卷二十三

列女志

二十二

棠爲嗣

孫學禮妻趙氏趙雲青女年二十五夫故無出事翁姑孝及卒殯葬如禮人稱其賢

王宏猷妻李氏幽閨貞靜十八歲于歸數年夫故無子女以夫兄子爲嗣教養有法毀妝改容不輕言笑無故不出中門事姑孝順無違親族有喜慶事未嘗往喪事亦然三十餘年玉潔冰清任書禮妻甘氏年十七于歸十年夫故家貧紡績度日

李國楨妻韓氏十九歲寡且貧苦節是守

邵聚英妻支氏年二十八夫故貧無以養節操維堅寄居母家終無怠志

李大尿妻胡氏年十七夫故無子夫姪治邦方數歲氏撫養成人以承夫嗣繼姑生諸叔氏炊爨縫紉以分姑勞諸叔愛氏愈於

慈母

李潛修妻王氏年二十六夫故誓守撫二孤皆成立事翁惟謹

王臨莊妻孫氏年二十六夫故無子孝敬翁姑養葬如禮

段雙喜繼室李氏年十九于歸二十四夫故堅志守節

賀自勵妻王氏年二十三夫亡矢志苦守奉養孀姑情禮備至

邵轡頭妻杜氏年二十三夫故一子旋殤夫弟尙幼長爲婚娶生

子氏與娣氏共撫之終身無閒言

魏振奇繼室王氏年二十六夫故子方六歲氏淑慎且惠事姑盡

孝愛前房女若已出男婚女配皆氏任之清節三十餘年

王元章妻姚氏年十八于歸未三載夫故苦守貞節孝事翁姑和

睦娣姒

蕭東嶽妻周氏年二十六夫故遺一女二子致中福堂撫之成人

商水縣志

卷二十三 列女志

二十三

以上十七人
現年五十八

王茂蓮妻鄧氏鄧錫章女年二十餘夫故守節

趙心一妻朱氏二十六夫故家貧子幼翁姑在堂氏身勤績紡奉

養無缺苦節歷三十年

邵妮妻王氏二十二夫故子方週歲氏勤勞持家撫子成立娶媳

生孫氏猶康健

以上三人現年五十七

杜會舉母楊氏二十二歲夫故孀姑飲食必手烹飪不假奴婢教

訓會舉必以義方

魏奉先妻杜氏二十四歲夫故孤寡無依持守清操

魏喜妻孫氏二十二歲夫故一女愛養成人教以女紅及女子歸

氏孤貧自守節同冰霜

王雲明妻段氏二十八歲夫故家貧上事孀姑下撫二子辛苦備

嘗

郭理定妻訾氏二十五歲夫故孝慈全節

郭打狼妻胡氏二十歲夫故孝事翁姑矢志守節

張毛妻党氏二十九歲夫故無子冰霜自勵孝事翁姑昏晨無間

李口妻郭氏二十五夫故翁姑早逝家貧無子茹苦含辛晝夜績

紡以上八人現年五十餘

吳九成妻王氏年二十六夫故一子尚幼冰霜自凜事翁極孝教子有成

史狗全妻呂氏年二十夫故遺一孤撫之成立娶媳無幾子又亡家益窘氏撫膺號泣曰所以不死者徒以藐孤在也今無望矣何以生爲其媳泣慰曰媳願作傭以養姑氏心稍安氏與媳同傭於外苦節雙貞雙節

商水縣志

卷二十三

列女志

二十四

臧萬春妻蘇氏年二十二夫故遺一子堅心守節凜如冰霜孝翁

姑和娣姒養幼子備歷艱辛

李長春妻張氏年二十六夫故子女皆無子然自守

趙奢妻李氏二十歲夫故子方數月家貧翁姑垂老身勤績紡奉養有道喪葬婚娶操勞備至

楊作彥妻李氏年二十四夫故遺孤幼弱氏矢志靡他孝事翁姑子未冠而歿孤苦愈甚依夫兄弟度日

顧鑄妻李氏李滙川女年二十八夫故子鴻潘甫數月撫養成入李正楷妻谷氏年十五于歸二十夫故一子家貧氏紡織度日辛苦萬狀撫子學孟成人孝敬翁姑生事死葬不遺餘力勤儉所積家道漸興母家貧不時饋濟父母沒身後事皆氏任之叔母無養周濟以爲常宣統三年河南巡撫奏請旌表

李東來妻雷氏年二十八夫故家貧誓守清節紡織爲生

許海濱妻顧氏年二十一夫故守節孤身苦度

李成山妻張氏年二十于歸三十夫故無子僅有薄田數畝氏柏舟自誓事翁姑以孝待伯叔諸姪輩恩誼兼盡

華泮水妻史氏年二十五夫故姑老且瞽左右奉養不怠堅心守節踰三十年

王南興妻邵氏十七歲于歸二十一夫故一子尚在襁褓氏冰霜自勵孝事翁姑歿子復殤孤守清節終不渝志

崔嘉賢妻申氏夫故氏年二十七子女俱無痛夫未已適母又歿值隆冬日夜號泣沾衣成冰見者無不傷感姑年老身弱冬寒偃卧動至經旬氏侍左右孝養無缺歷十餘年姑歿事翁尤謹

翁歿子然一身衣衾殮葬皆氏操勞

以上十五六年現年五十六

商水縣志

卷二十三 列女志

二十五

溫甫妻康氏年二十八夫歿翁姑在堂克盡孝道與夫弟同居和睦無間

武生時兆驪妻李氏李廷榮女年二十四夫故遺腹生子金堂氏事衰翁撫弱息各盡其道有鄰婦時履堂妻早寡家貧無依勢將改嫁氏勸導之卒能守節

馬青雲妻李氏童養夫家年十八成禮十九夫故一子章甫氏清貧自守朝夕紡紉以奉衰姑姑沒氏傭於人養子成立取媳生孫猶爲人縫澣贍給於家

何文錦妻張氏泰宣女年二十餘夫故女三姑年老奉事惟謹晝夜不離側夫妹適郃氏夫婦俱逝甥甫數歲孤苦無依氏招至家撫育如子擇師課讀

訾玉成妻李氏十九歲于歸未周月夫故氏柏舟自矢孝事舅姑

及歿盡禮以葬

史佑妻申氏三十歲夫故貧無立錐貞潔自守

李敦禮嗣母某氏十七歲于歸一載夫故誓守清節

史石頭妻董氏夫故氏年三十翁姑先逝無子女家酷貧苦節自守

任全興妻黃氏黃西成女年二十二夫故遺一女事舅姑惟謹二十餘年無違顏舅歿事姑尤篤

彭德脩妻郭氏郭毓秀女年二十六夫故子安女二家貧守節撫子女成人

王興妻石氏年二十二夫故翁衰姑失明氏以婦代子侍養不懈已守節三十三年

李國章妻韓氏年十八夫故遺腹生子彩雲家貧苦資紡織以事

商水縣志

卷二十三

列女志

二十六

親撫孤成立

張亂妻王氏童養夫家年十八成禮二十四夫歿二子翁姑已老
生養死葬無違禮撫子胡鬧羣山成立不幸相繼俱亡媳他適
氏隻身撫孫冰霜苦度

賀牛妻劉氏年二十二夫故無出矢志靡他與妯氏同居不失和

順撫夫姪有恩

以上十三人
現年五十五

翟鴻章妻李氏年二十七夫故子二長四齡次方彌月翁姑年衰
氏矢志守節曲盡孝道撫孤持家備極艱辛翁姑歿殯葬以禮
及子成立家亦漸豐

樂中妻王氏年二十五夫故子二家貧無養或勸之嫁氏婉言謝
之艱苦萬狀卒養二子成人

楊祐妻喬氏年十八夫故無子翁與母家均逼氏改適氏不爲動

甘心爲傭矢志守節終不能奪

李凌霄妻張氏十九歲于歸二十一夫故無子夫兄凌雲子文興方數歲氏撫養成人以延夫嗣

顧玉秀繼室張氏張伯齡女年二十六夫故一女撫前房子如已出

朱大坤妻蕭氏蕭萬鈺女年二十八夫故子女各一家貧苦守撫子普潤成立女亦適人

趙爾樸妻郭氏于歸一載夫故冰霜自勵勤勞持家事姑孝撫夫姪爲嗣

賈召妻王氏年二十三夫故翁姑老子幼家貧甚氏傭工以養翁姑歿竭力營葬父母欲奪而嫁之氏以死自誓撫子成立

楊胖妻李氏性溫和年二十四夫故矢志靡他事舅姑孝撫夫姪

商水縣志

卷二十三

列女志

二十七

若親生

姜新景妻程氏年二十四夫故子女俱在弱齡極貧苦氏勤儉持家男婚女嫁苦力經營清節三十年以上十人現年五十四

王文英妻苑氏年二十一夫故子方週歲氏矢志守節事翁姑孝翁姑歿殯葬合禮夫弟文豪尙幼氏撫之有恩子成室三載又歿一孫甫二齡氏與媳共撫藐孤相依爲命

王文模妻倪氏年二十八夫故一子六歲氏勵志守節事姑甚孝越十年子又殤氏號泣欲死念姑年衰忍痛孝養和睦娣姒持家井井有條

祁世顯妻童氏年二十二夫故子方二歲氏柏舟自矢事翁姑養弱子孝慈兼盡鄰里咸稱

王鐸妻高氏二十歲夫歿遺腹生子事翁姑以孝撫子成立

孔慶昉妻柴氏于歸二載夫故號泣欲死以翁姑俱存不忍遽棄
及翁姑與夫弟相繼歿姪繁綱歲方週氏愛若己子教養備至
張滿妻李氏淮陽監生李維藩女十九歲于歸二十四夫故無子
女家貧衣食維艱勤女紅以爲生計

周景田妻齊氏淮陽庠生齊五家女景田沒齊年二十一僅一女
苦守清節女歸旋歿齊往依母家以紡織自給

張國祥妻陳氏年十九于歸越七月夫歿翁衰老孝養無缺又五
載翁病故停柩中堂強族欲奪其志氏誓不再醮朝夕供奉杜
門不出垂二十年始殯葬焉

趙恭先妻蘇氏二十四歲夫故家貧子幼踰月遺腹生女氏勤勞
持家撫子女成立

張耀中妻劉氏年二十五夫故無子苦節自守

商水縣志

卷二十三

列女志

二十八

黃榜妻范氏天佑母年二十三夫故家貧親老假紡織以養撫孤

成立

以上十一人
現年五十三

曹文法妻王氏王順興女年二十五夫故二子家貧無養依居母
家日夜織紡以爲生計撫二子成人均娶妻生子家亦小康

李敦魁妻張氏年二十于歸二十四夫故僅一女姑年老寢食不
離左右姑病事奉益謹夫兄弟析居推美讓甘無稍爭及姑卒
女嫁自處一室晝夜紡織勤苦自勵族鄰均稱其賢

李廷珍妻魏氏年十八于歸二十一夫故家貧矢志守節并曰親
操事舅姑以孝聞姑病癱氏慇勤服事日夜不離側十餘年

張冠英妻鄧氏年十九于歸生子女四人夫故氏年二十七姑衰
子幼家無升斗儲用度悉出氏十指閒卒能養姑以終撫子女
成立

楊情妻許氏年二十三夫故性賢孝姑性嚴氏委曲承順居常自忍凍餓而待夫諸姪與女則加厚焉

李金城妻蕭氏蕭萬鈺女年二十六夫故無子守節不渝

蘇硯田妻王氏年十八于歸甫三載夫故無子苦守清操以夫姪玉珣爲嗣

劉體敬妻井氏年二十一夫故無出家貧事姑王氏孝紡績度日姑歿竭力營葬

黃新年妻鄭氏性溫和惇朴適新年週歲夫故家赤貧苦守事姑拮据萬狀孝養無缺

以上九人現年五十三

王麟章妻劉氏二十三歲夫故僅二女且家貧孝事翁姑資鍼黹養親撫二女成人

李敦雅妻陳氏年二十五夫故一子正嶺撫之成立

商水縣志

卷二十三

列女志

二十九

李藹初妻閻氏夫婦同隨父應畹釜山差次逾年藹初病歿年二十餘扶櫬回里以夫胞兄蔚初子爲嗣貞節自守

孫召妻柳氏二十九夫故家貧子幼勤勞持家撫子成立備歷艱辛

趙德潤妻黃氏童養夫家成禮週歲卽孀家貧無出母家屢欲奪其節氏泣曰翁姑垂老無人奉養誓不改適議遂寢翁姑歿竭力以葬夫有女弟適周姓生一子其夫出外二十餘年不歸氏召至家姑嫂相依爲命共撫一孤學文成立

李反妻郭氏年二十六夫故無出苦節是守

雷啟明妻馬氏年二十四夫故家貧無以爲生氏苦守誓不改適自傭以養

楊棟妻許氏二十歲寡家赤貧無子撫夫姪事翁姑彈綿以養

王本全妻謝氏年二十三夫故無出翁姑俱逝子然一身紡績苦度

王郎頭妻王氏年二十五夫故無子孝事雙親苦節能貞

王札妻劉氏年二十一夫歿母家欲奪其志氏誓死不從事伯翁若翁撫夫諸姪有恩

党昌妻郭氏年二十四夫故僅遺二女家赤貧氏績紡度日撫二女成人次歸楊門長女肅姐念母劬勞願留終養誓不適人母屢婉言相勸女立志愈堅悲痛不許曰母氏勞苦養女何用使皆適人母誰依乎吾志已定違顧我後母貞女孝可稱雙絕氏現年五十一女年三十矣

楊木妻王氏年二十六夫故家赤貧子三俱在弱齡氏忍死撫孤母家屢欲奪其節氏立志益堅值歲荒攜長提幼乞食以養子

商水縣志

卷二十三

列女志

三十

皆成立與母家不相往來十餘年可謂苦節能貞矣

李毛妻謝氏夫故氏年二十一無子女翁姑早逝家貧資織紡餬口零丁孤苦百折不回

鄧守德妻靳氏年二十八夫故孝事翁姑苦節是守

以上十五人現年五十一

張娃之妻王氏十七歲于歸四閱月夫故家貧無依苦守清節長齋好善通醫術治婦女嬰兒疾多奇效不受餽謝現年五十餘

王華林妻張氏二十一夫故翁姑多病曲盡孝思一子尚在襁褓撫養成人

趙德成妻周氏二十三歲夫故子女皆無孝事翁姑無閒晨昏

李期妻王氏二十二夫故隻身度日堅守冰操紡績爲業終身不

御鉛華

郭福妻崔氏二十五夫故事翁姑極孝一女與共紡織以此爲生

郭霞雲妻黃氏二十歲夫故無子女念翁姑無依矢志守節克盡孝道以夫姪尙潔承嗣教養成立家道頗豐

朱營妻張氏二十歲于歸生一女僅數月夫亡未幾姑歿夫弟二女弟一俱幼惟氏是依氏母又歿遺弱弟五人繼母不慈衣服縫紉皆氏爲之經營

訾郎猫妻焦氏父進財家貧女年十二童養夫家未幾翁歿成禮後夫不務正業家產蕩盡夫亦旋亡氏念姑年老誓不他適行乞以養姑姑飽而氏常饑姑歿典宅以葬氏傭於外得值少權子母十數年買田二十餘畝

屠爾川妻李氏年二十三夫故家清貧勵志苦守孝行克敦妻孟兆妻徐氏十九歲于歸二十一夫故子甫週歲未幾殤氏矢志靡他和娣姒睦鄉鄰人交稱之

商水縣志

卷二十三

列女志

三十一

何文鏡妻趙氏年二十三夫故無子孀姑在堂生事死葬以婦代子

何孝先妻朱氏年二十餘夫故一子存誠撫之成立

王石頭妻王氏十八歲于歸甫一年夫故子女俱無孝事翁姑和睦娣姒賢孝之行鄉里共稱

李廷棟妻顧氏年二十二夫故女甫週歲未幾翁歿繼姑呂氏嚴氏事之維謹呂亦旋歿隻身無依節操愈堅

邵天興妻惠氏十七歲于歸甫二載夫故忍痛苦守孝事翁姑勤勞持家兼明大義力勸翁納妾從之妾果生子氏保愛備至業已授室

党世績妻張氏十五歲適世績數月夫故氏幼嫻姆訓義命自安子身苦守言語安詳舉止端嚴爲閨闈式

王熬妻蘇氏年二十夫故無子貧苦自守

陳天運妻許氏童養夫家十六歲成禮數月夫亡食貧守節孝事
衰翁撫夫弟曲盡其道

趙磨妻胡氏年二十七夫故遺腹生子家酷貧翁姑衰老氏晝探
蔬夜紡織以爲養撫子成立

任恩科妻仙氏年二十二夫故守節孝養翁姑及歿葬皆如禮

何文禮妻王氏年十九于歸二十一夫故子女俱無翁以家貧無

養欲嫁之氏聞泣曰夫鮮兄弟早亡命也兒去二老誰依願終

養以代子職孝事翁姑二十餘年無怠志翁姑歿竭力營葬

楊玉平妻王氏二十一歲夫故無子女冰孀自勵事繼姑王氏維
謹卽以不情相加無不從容受之

吳發戶妻王氏年二十四夫故苦志守節紡織度日孝事翁姑

商水縣志

卷二十三 列女志

三十二

袁全志妻童氏年二十夫故守節孝事翁姑翁姑歿夫兄夫婦亦
繼逝惟有祖翁八旬二齡弱姪氏上事下撫各盡其道喪葬婚
娶一身任之勤勞持家田產日增苦節已三十年

黃瑞雲妻李氏十九歲于歸二十一夫故子僅二齡家赤貧氏織
紡度日撫子成立

武生郭俊卿妻李氏年二十二夫故守節孝事翁姑和娣姒撫數

月孤成立教之讀里黨以孝慈稱之

上二十一人
現年五十

熊長興妻任氏年十九歸長興家貧如洗長興早歿氏賣菜以爲
養奉姑劉氏生養死葬無缺禮教子鍾麟讀書入庠

張壯妻周氏二十二歲夫故事翁姑克孝撫孤子能慈

范九齡妻齊氏二十歲夫故翁姑衰老奉事必謹一子方二歲教
養兼施其他和睦鄰里憐惜貧巾幘中洵不多見

增生李廷序妻郭氏早寡守節以夫弟廷膺長子可立兼祧可立亦旋歿與媳屠氏相處親愛尤篤一門雙節光緒二十九年請

旌節雙

寇東來妻王氏于歸後生三子二十九歲夫故家貧如洗或勸改適氏不肯攜子乞討幼子旋殤長次二子皆寄養於人力勤鍼黹艱難萬狀終無渝志

李中義妻鄭氏年二十八夫失血病故貧無立錐氏以鍼黹餬口撫孤繡麟使從學甫冠入庠

以上三人生存無年數

陳培豐國學生側室蕭氏夫故守節已由禮部郎中王士傑保奏於宣統元年八月旌表鄉鄰以苦節純孝匾其門

張握妻邱氏二十四歲握故撫二齡弱子成立娶楊氏月餘子又歿姑媳雙寡苦勵冰霜

雙節

商水縣志

卷二十三

列女志

三十三

李炳乾妻柴氏年十九適炳乾數月卽寡冰霜自守久而益堅

王四輩妻韓氏年十九于歸月餘夫出貿易不反家貧如洗翁安貴殘喘餘生度用無資氏操井臼勤紡績孝養衰翁無稍懈母家欲奪其志氏堅執不從苦守待盡

李某妻劉氏劉大生女十七歲適李三越月夫故守節事親務盡其道終不渝志

楊生妻顧氏年十九生故撫夫姪爲嗣冰霜自勵久而益堅

范年妻王氏十八歲于歸夫故無子夫無兄弟姑年老屢勸翁納妾拒不從氏孝事雙親無微不至

周常玉妻雷氏溫和且惠十七歲于歸年餘夫故無子女家赤貧矢志靡他績紡度日善事翁姑及歿竭力以葬子身無依母家屢欲奪其節氏立志愈堅誓死不變里人憐之以住宅易沃田

八畝餬口有資清節益勵

上七人皆
年近五十

庠生馬振宇妻汪氏年二十六夫故遺二女均幼氏事翁姑以孝聞理家務處娣姒能識大體撫姪西方爲嗣無何西方亦亡媳王氏年二十八無子均以冰霜自勵

雙節

王清儒妻王氏十九于歸越六年夫故貧窮苦守清儒兄弟三人長清全次清順相繼歿氏均以禮葬現年六十

武生胡存長妻張氏張鴻運女同治九年于歸時年十八結縈八載夫故守節光緒間旌現年六十五

王好智妻王氏巡檢王祥五孫女十八歲于歸未百日而好智歿氏矢志守節歷四十年之久堅貞不變現年五十八

張海雲妻趙氏二十八歲夫故一子治田撫育成人娶媳李氏三年治田亦亡姑媳苦守趙現年六十李亦四十餘

雙節

商水縣志

卷二十三

列女志

三十四

何氏何東坡女幼許字項城梁旱冬母早歿童養夫家成禮數載夫故氏年二十六子三文明六歲文炳四歲有二歲家赤貧有族棍欲逼嫁之氏立志苦守撫子移居母家繼母不賢逐出之借母鄰房以居艱苦難支將幼子寄養他姓率二子乞食二子稍長各自行乞氏紡織自給一日大霧文炳迷道至鹿邑境適出天花遇老嫗憐而救之得不死越八年始歸文明既長入周口習鐵工二子皆成室家漸小康知孝養孫男四女三氏現年

七十二 以上採
訪稿

烈婦

明

王大妻祈氏大病故氏痛泣曰吾何天乎孰若死之爲快遂自縊夫屍旁宗人憐之合葬焉上其事給匾以旌其門從祀節烈祠

李時蘭妻高氏蘭病氏侍湯藥晝夜不懈後漸危乃囑氏曰我死汝須勉守無忘吾夫婦恩氏哭語曰但當養病無慮後事脫有不虞我當侍爾於地下語間而蘭氣絕矣氏潛入隱室自縊死蘭復甦聞氏死流涕曰等我與爾同行須臾亦死通學生員高其義具呈本縣知縣郭天璟匾其門從祀節烈祠

舉人王風淳妻黃氏淳任棲霞母年九旬留氏奉侍寢膳之事必親與焉僕妾雖多未嘗少假也及闖賊陷城扶其姑藏於宅後僻處賊搜得捶斃氏枕股哭賊將逼之氏大罵曰吾宦家婦豈受汝賊奴辱乎速殺我賊乃殺之御史陳潛夫聞其事於朝賜匾曰節孝齊芳從祀節烈祠

庠生張坦妻金氏崇禎辛巳之變城陷坦罵賊死氏亦罵曰賊奴吾與爾何仇殺我丈夫願同死賊又殺之

節舊志張傳補

商水縣志

卷二十三

列女志

三十五

清

趙養才妻王氏年十七適養才才以病故氏悲痛期與同死是夕果投繯死敕賜建坊以旌之

顧斗二妻劉氏幼適斗二甫二載夫病故氏柏舟自矢誓不他適無何舅欲奪其志氏號泣數日度不能拒乘間自縊於夫墓前樹端行道見之莫不爲之太息知縣吳謐表其門曰矢志靡他王楷妻李氏幼適楷家貧如洗氏處之晏然楷患癘疾大漸氏解當充藥餌不愈已而卽世別無強近功期氏親爲營葬事畢從容誓於夫墓曰有死無二七日引帶自盡死知縣邵瑗旌其門曰崇獎幽貞

羅鳳妻王氏年二十夫故三日自縊死知縣李興高表其門曰節烈可嘉

李國顯妻李氏國顯出外鄰人陳黑妮攜刀入室欲污之氏死拒
不從被殺雍正四年旌表從祀節烈祠

單從禮妻張氏從禮爲監生陳兼優之僕其傭工劉盛全窺氏少
艾乘從禮輪守大門入室求姦氏咬傷盛全得釋氣忿自縊死
雍正九年旌表建坊墓前

賈麟福妻王氏于歸二年夫故卽欲自縊祖姑姚氏諭以爲夫存
祀氏乃剪髮自誓已而遺腹生子未週歲而歿祖姑度其必欲
自盡勸令歸寧俾其母慰解之氏歸七日誑以歸省祖姑遂還
至家三日歡笑如常祖姑防稍懈氏潛入室衣妝自縊比祖姑
覺已氣絕矣死二日方殮顏色如生知縣王夔龍旌其門曰不
媿所天

王三妻郭氏爲鄰無賴許安強姦不從氣憤自縊死雍正九年旌

商水縣志

卷二十三

列女志

三十六

表

李興龍妻徐氏于歸甫七月而夫病故氏年十八守孝服闋家人
諭以換孝從吉氏不應閉戶沐浴更衣自縊死知縣李新猷贈
匾曰舍生取義

顧四木妻王氏年十七于歸四閱月夫故三年服闋家人議立嗣
氏不發一言入室自縊死知縣李新猷旌其門曰節烈可風
王錫兆妻趙氏夫歿五日氏自縊死學院張旌之曰烈志維風
蕭聖瑞妻史氏夫歿卽自縊死

劉國儒妻谷氏年十八適國儒鷄鳴戒旦相夫如賓事翁姑克盡
婦道甫二年夫病輾轉牀榻氏晝夜不離未幾國儒病垂危語
婦曰我死爾能從我地下乎氏拭淚言曰汝寬心養病勿爲我
慮汝死我當偕往及夫歿號泣不止是日晚入室自縊死聞者

莫不感歎

楊克賢妻王氏結褵數月夫故欲殉鄰族勸慰意解越九日竟投
縊死乾隆五年四月十五日也事聞陳州府知府金旌以匾額

查卷
補

李慎已妻鄭氏生二子夫故痛哭幾絕對夫屍自縊死慷慨赴義
節烈凜然

高黑妻吳氏房王劉然強姦不從氣憤自縊死乾隆八年建坊旌
表從祀節烈祠

以上
舊志

文某妻王氏文先能之媳因鄰人陳大書調姦不從羞忿自縊死
詳蒙題准乾隆三十三年奉旨建坊入祠

胡曰仁側室康氏因鄰人李三調戲不從羞忿自縊死詳蒙題准
乾隆三十三年奉旨建坊入祠

商水縣志

卷二十三

列女志

三十七

王忠妻李氏因張成強姦不從被勒身死詳蒙題准乾隆四十四
年奉旨建坊入祠

上三名
查卷

武進士李鍾瑤妻王氏性謹嚴鬻笑不苟年十八于歸克執婦道
事翁姑能色養僕婢滿前羹湯必親操得堂上歡乾隆庚子科
鍾瑤會試入彀爲某王所器重館於內府尋以訃聞靈櫬旋里
氏痛哭喪明竟以身殉時年二十餘嗣子騰蛟庠生

王仲儒妻周氏王華山之媳被客民鄭闖語言調戲氏羞忿自縊
死稟官上控蒙巡撫部院潘案驗詳准旌表咸豐元年四月照
領建坊銀三十兩

庠生李輿妻趙氏淮甯趙玉壘女鄭州訓導李繼祖次子媳幼嫻
姆教年十七于歸生二子長六歲次四歲皆以痘疹亡輿憂鬱
成疾氏殷勤侍奉數年不懈輿竟不起道光十年正月也氏誓

殉家人密防未獲遂志或勸之言已許夫同死豈忍食言姑自
署歸氏謂家人曰數年未見姑今得侍奉以盡吾職心雖痛悼
在姑前不敢墮淚五月初十日葬夫姑命以夫兄次子爲嗣氏
屢欲自經皆被家人救護嗣歸甯謂兄曰吾雙親康健兄弟尙
多旣爲夫立後吾事畢矣定從夫地下以踐前言兄再三勸諭
志終不移遂歸乘間吞帛死去葬夫半月耳時年二十九已旌
朱來妻劉氏被朱文升調姦未成羞忿自盡死道光二十七年旌
表

趙廷璧妻牛氏咸豐八年九月十九日捻匪破陳灘寨氏恐爲賊
擄攜女良姐同赴沙河死一時家中同死者夫弟廷彥妻牛氏
廷松妻李氏夫叔天貴妻彭氏夫從弟廷相妻范氏一門六烈
亦慘矣哉

六烈

商水縣志

卷二十三

列女志

三十八

郭永安妻周氏家赤貧氏處之晏如同治二年九月初一日捻匪
擾境氏避難龍塘河寨寨破爲賊掠氏恐受辱乘間抱子女赴
水死賊去屍浮子猶在抱

監生許景洵妻智氏淮陽拔貢智殿邦妹同治二年九月朔捻匪
破龍塘河寨景洵遇害氏攜子與婢春花僕婦某氏俱赴水死
十二年學憲毆陽奏聞旌以倡隨節義匾額

李某妻王氏王家驤女年十九于歸夫性頑姑有穢行氏恥之陰
勸夫爲防閑不聽氏於侍養之暇委曲婉轉爲姑陳說節義事
冀其感悟姑因羞變怒詬罵不堪氏隱忍不敢復言姑銜之欲
以所私污氏以杜其口氏計窘吞煙死士人哀之多贈輓聯以
表其烈有保全一生貞節何敢愛惜此身之語

劉樂善妻陳氏于歸次日夫病故氏視殮訖盡哀復忍淚勸慰翁

姑遂以死殉見者無不下淚鄉里公贈匾以嘉其烈

李希賢妻韓氏性嚴正明大義咸豐之亂賊陷周家口氏被擄誑賊曰吾家包袱內有白鏹四十兩賊令檢取氏乘隙赴水死時年十九

副貢李壽椿妻韓氏儒家女性和淑父嘗述古節烈事教之比于歸事翁姑孝翁姑賢之夫家清貧入庠後脩脯所入不足以養氏勤女紅以佐之咸豐十年十月十五日粵匪犯周口夫率子盪塵館於外氏適卧病聞警急起促姑去賊至氏度無生路遂投井死夫歸出之面如生事聞奉旨旌表

張起巖妻趙氏廢生趙允女于歸二載起巖病篤謂趙曰夫婦偕老願也今病已危吾死爾當守趙泣諾語竟起巖歿趙呼天痛哭曰上無翁姑又無子女吾誰守乎繼念母在忍死奉事艱苦

商水縣志

卷二十三

列女志

三十九

備嘗及母歿遂自經死

王貴妻邵氏年十八于歸甫二載夫故無子翁姑早逝慟曰命也吾何生爲卽招親族過長門次子體仁爲嗣遂自盡死

李正閏妻袁氏二十歲于歸年餘夫故誓以身殉家人密防之數月後防漸疏氏乘間投水死

何文鑑妻張氏年二十于歸未幾夫故氏悲哀異常三日後哭頓止言笑自若人謂已無他志一日忽易新衣拜辭夫靈服毒死顧天義妻雷氏縣丞顧九海次子媳年二十一天義歿氏痛欲死葬甫畢竟以身殉

魏烈妻陳氏西華陳心海女十九歲于歸二十一夫故夫彌留時氏知夫必不起家庭多變遂投水死

廩貢趙爾模繼室王氏年十九于歸二十二夫故一子未免懷夫

病篤謂氏曰數年夫婦行將分離我死子其善撫襁中兒他年成立庶有依賴勿懷短見爲匹婦之諒無何夫歿子亦旋殤氏哀痛絕食乘夜更新衣投水死

屠世田妻張氏張蕙蘭女年二十于歸夫故氏年二十五痛哭幾絕誓欲死翁姑苦勸嚴防未得遂志及葬事畢絕食竟以毀卒蒙禮部郎中劉果詳請獎賜節烈給建坊銀四十兩

王文林繼室王氏十八歲于歸未一載文林病危謂氏曰吾病難愈家又貧雖有兄嫂自顧不足況能顧汝汝將何依苦守餓死不若嫁人逃生氏痛哭曰夫果死寧死不再適人文林曰嫁守聽汝目遂瞑氏具棺殮畢遂仰藥死時年二十三

倪皮牛妻陳氏二十歲夫故無子孤苦守節度日維艱竟自縊死張若蘭妻葉氏二十四夫故誓不獨生悶悶不食人雖解勸百端

商水縣志

卷二十三

列女志

四十

不釋竟餓而死

張某妻某氏張榮甫之母賊破北蔡寺寨義不受辱急投於水榮甫極救不得同溺死

許某妻段氏許景思母素明大義與夫嫂王氏和好同治二年皖匪破龍塘河寨段氏王氏恐被辱約赴水死景思妻張氏年十八乃泣曰兩姑俱死吾何生爲於是姑媳三人攜手投河

稿

以上採訪

孝女

清

王孝女父應端早世與母相依爲命捻匪之亂鄰召女逃去女泣曰吾母病不能行吾去母誰與守賊至威母索金母以貧寡告賊怒持刀將殺之女以身覆母被數刀終不起賊憐其孝遂舍

去母女得全時女年十四歲

邵雨妻馬氏馬倫女性至孝一貧如洗氏嘗乞食以養舅姑光緒二十四年冬母來探女阻雪思歸女送之由巴村橋沿隄而西又值風雪怒號嚴寒徹骨母失足墮隄溝中女解衣抱之雪覆愈深母女竟凍死及雪消屍見母女猶相抱也觀者無不流涕趙孝女父維儉李可權妻民國五年秋母寢疾月餘危甚夜半忽思食女焚香竈前口啣臂肉用刀割之作水餃以進母食而甘之病遂愈創痕竟無恙事翁姑亦以賢孝稱

李孝女棟姐監生李夢蘭女性至孝母患病數月女奉湯藥日夜不離側病劇服藥罔效女私割骨股和藥以進母病遂瘥

趙孝女父華林女數歲母歿侍繼母李氏疾左右不離側醫治罔效女持刀截指和藥煎以進母服之遂愈

以上採訪稿

商水縣志

卷二十三

列女志

四十一

貞女

明

史貞女年十五許聘胥山盧爲妻未嫁而山盧卒氏聞訃願往成服父母不許氏泣曰烈女不更二夫何禁一弔乃許之偕至其家氏撫棺痛哭絕而復甦者再旋執婦禮朝夕哭奠既葬父母促其歸氏曰此吾家也又安歸夫不幸早故翁姑垂老衣食安寄願留此終養不願入他人室也父母不奪其志遂聽之氏乃執婦道晝夜績紡易粟以供二親及沒喪具皆自爲經紀壽至九十餘而卒

舊志

清

李貞女幼字魏殿士母家貧女十歲童養魏門翁姑愛之殿士年十四暴殤女年十六痛不欲生母欲再爲擇配女不從哭拜墓

前成服誓死同穴八年未嘗歸寧未幾夫弟體元生女念宗祧有人善視之俾從師受讀翁病女奉湯藥晝夜罔懈翁歿事姑尤謹賴績紡以佐日用及體元成立入庠家道漸裕鄉里稱頌女德邑廩生王聚典任殿元等以事上稟知縣蔣會圖特詳題旌

貞女某氏幼許字魏差父早世母再醮童養魏家年十六未婚差死母招之歸氏知爲將嫁已也急謁夫墓再拜易服峻絕其母姑年老目盲氏晝夜奉侍不離跬步數十年如一日姑卒衣衾棺槨盡力從豐族有無賴語近謔氏正言厲色人卒不敢犯壽七十餘卒

李貞女李接拉姊幼許字鐵爐村王生年十四生遊學外出越十年不返生父請女家另擇配女以生存亡未定矢死以待年至

商水縣志

卷二十三

列女志

四十二

四十五李改婦妝適王門拜舅姑克盡孝道卒年七十二

史貞女香姐史德成女七歲許字淮甯劉長亭將及笄而長亭歿長亭寡兄弟獨母尚存女聞訃誓不再嫁往劉門拜墓成服孝事孀姑姑癱瘓女侍左右朝夕不離三十餘年毫無厭心姑歿以禮殯葬遺業十餘畝僅足自給貞烈之操歷久益堅現年近六殉鄉里贈匾曰貞烈可風

劉貞女俊姐李牛聘室也父安以貧故送女童養牛家未醮而牛死女欲殉未果念牛父母俱衰家赤貧矢志苦守願留終養誓不再適人并日躬操紡織維勤隨姊妯事老撫幼孝慈篤至鄉黨以爲賢現年五十五

胡貞女父盡善家赤貧幼許字袁橋村王蘭年十五歸王童養越二年蘭死女立志守貞扶蘭櫬歸窆哭拜墓前易簪珥家人憫

其幼欲奪其志女泣曰薄命將焉往不幸夫早歿家無強近親翁老姑失明常患鼠瘡使我去翁姑將誰依女死守家人不能強有薄田四十畝僅足餬口女日夜紡績以供旨甘侍醫藥數年不易及舅姑歿女隻身度日現年五十

黃貞女趙尿管室也童養趙家未成禮尿管氏無他志姑失明氏左右侍奉情同母女或曰氏年幼恐難守氏聞自爲易笄與姑共寢處生事死葬未嘗失禮現年四十七

朱紹禮女許字訾姓童養夫家未婚夫故矢志守節紡織自養壽

九十五

以上採訪稿

烈女

明

趙烈女趙襄女也許嫁李姓而未適夫病卒女聞號泣越三日自

商水縣志

卷二十三

列女志

四十三

縊死事聞於朝勅賜烈女坊以旌之從祀節烈祠

趙四姐趙湘女許嫁鄧氏兒後湘攜女人京城衙門供事鄧兒在家病故女聞訃哀痛哽噎遂自盡於母室中事聞於朝詔給銀優恤其家仍賜建坊旌表

清

婁二姐婁琚之女年十二有姿容同居族叔婁灼乘琚夫婦他出白晝入室欲行姦污二姐喊叫婁灼用手很掐二姐咽喉立死雍正十一年旌表從祀節孝祠

以上舊志

李烈女福姐李光輝女因鄰人郭大秋調戲不從羞忿自縊死詳

蒙題准乾隆三十年奉旨建坊入祠

查卷

李烈女監生李錚女也幼許字王之樞第三子萬震萬震年十六從師外館一日歸自縊死耗至女父母秘不使聞越三月有媒

來議婚女始知卽以死自誓絕口不食母力勸解防守甚嚴後稍進飲食言笑自若以寬母心防少懈乘間投繯死時年十九乾隆三十六年七月初二日也兩家憫其烈與萬震合葬學院按臨陳州邑紳上其事獎予貞烈奇蹤匾額並賜七律二首以褒之

趙烈女煥姐趙二豆女因從叔趙五調姦不從羞忿自縊死詳蒙題准乾隆三十七年奉旨建坊入祠

康烈女秀姐康大材女幼失恃孤身無依及長許字王會雲工鍼黹常閉戶紡織人罕識其面大材販皮爲業恒朝出暮歸有惡少時須乘間入室欲犯之女皎拒痛罵須去女毀容自經死大材鳴於官撲獲須科以強奸致命擬抵女葬周口南知縣顧公爲樹墓碑文有血面淋漓閉戶自縊奸徒擬絞以慰貞魂之語

商水縣志

卷二十三

列女志

四十四

事聞於朝道光十五年七月十五日入祀節孝祠今墓與碑俱無

李烈女監生李鴻猷長女賦性貞靜幼許字庠生趙炳蔚長子祖獻祖獻遊學卒於他鄉女聞之大痛絕而復甦者數次誓以身殉越數日自縊死

王全姐王秀成女被鄰人陳某穢語污辱氣忿吞煙死光緒二十年旌表從祀節烈祠

李烈女李新更女宣統二年年十八貞潔自守鄰人李波欲污之女峻拒羞忿投水死

以上採訪稿

高苗氏	邱党氏	王馮氏	李鄭氏	張聞氏
李劉氏	許趙氏	周王氏	孟張氏	牛朱氏
趙王氏	李韓氏	支馬氏	趙王氏	柴王氏

何王氏	柴王氏	祝傅氏	時王氏	李劉氏
許張氏	許李氏	王陳氏	胡李氏	趙康氏
李陳氏	支王氏	王郭氏	支李氏	任劉氏
劉賈氏	何張氏	谷李氏	李魏氏	

以上見節孝祠石牌

許王氏	周張氏	郭姚氏	許郭氏	郭陳氏
郭周氏	許郭氏	郭崔氏	劉胡氏	許白氏
李王氏	周孫氏	許王氏	張駱氏	周郭氏
許康氏	張王氏	周郭氏	許張氏	張周氏
周郭氏	許郭氏	張郭氏	周張氏	李許氏
張王氏	周焦氏	許郭氏	張胡氏	周朱氏
許智氏	張張氏	周趙氏	許郭氏	張張氏

商水縣志

卷二十三

列女志

四十五

石趙氏	許胡氏	張紀氏	郭周氏	許李氏
張周氏	郭魏氏	郭周氏	張王氏	郭趙氏
許謝氏	郭關氏	郭雷氏	許陳氏	郭李氏
郭白氏	許高氏	郭陳氏	郭張氏	許王氏
郭張氏	胡張氏	許段氏	郭趙氏	王王氏
許張氏	郭李氏	趙文氏	許張氏	郭王氏
劉郭氏	胡高氏	郭龔氏	孫李氏	李劉氏
郭馬氏	段李氏	郭王氏	張趙氏	許郭氏
許竇氏	張王氏	許增姐	馮史氏	張張氏
許榮姐	許郭氏	王張氏	許援姐	馮胡氏
王李氏	許柰姐	許鄧氏	張王氏	許玉姐
許郭氏	王蔣氏	許玉姐	許王氏	許陳氏

張雲姐	李四姐	張桂姐	趙喜姐	郭張氏	郭慶姐	郭許氏	郭張氏	許合姐	盧王氏	郭李氏	馮金姐	李孫氏	許杜氏	許潤姐	王宋氏	郭明氏	許俊姐	郭杜氏	韓胡氏	許流姐	王張氏	郭張氏	許妮姐
郭兩姐	張潘姐	李秋姐	黃順姐	王晴姐	郭趙氏	郭靳氏	王月姐	李張氏	趙杜氏	馮杏姐	李朱氏	郭胡氏	李當姐	王張氏	郭陳氏	許汝姐	李魏氏	郭王氏	郭田姐	王孫氏	周張氏	許雪姐	許李氏
郭羣姐	張俊姐	李大姐	黃四姐	陳高氏	郭馮氏	王香姐	張陳氏	李谷氏	許嚴姐	黃郭氏	許黃氏	許明姐	周王氏	王王氏	許黑姐	王陳氏	郭李氏	郭雲姐	郭賈氏	郭王氏	許院姐	王高氏	王曹氏
郭順妻	張姐	李二姐	李玉姐	李勸姐	郭及姐	吳范氏	郭劉氏	孫大姐	趙文氏	郭鄧氏	馮梅姐	李郭氏	孫王氏	李祥姐	李李氏	郭崔氏	許妮姐	杜李氏	郭周氏	許金姐	王張氏	韓李氏	許會姐
郭二姐	張俊姐	李三姐	李伶姐	周仁姐	李陳氏	郭齊氏	王見姐	張陳氏	趙王氏	許亡姐	趙段氏	許陳氏	許春姐	趙黃氏	郭劉氏	許白姐	李安氏	郭李氏	許清姐	冉許氏	靳范氏	許甯姐	許張氏

郭三姐 郭清姐 郭兵姐 郭常姐 郭旺姐
郭大姐 郭兒姐 郭慈姐 王秋姐 郭大姐
許朱氏 桂花

上二百二十七人俱同治二年知縣聯魁詳奉奏准入

史高氏 郭趙氏 郭劉氏 王張氏 郭党氏
郭粟氏 郭馬氏 郭李氏 董孫氏 郭李氏
郭齊氏 郭劉氏 郭陳氏 趙黃氏 郭鄧氏
郭張氏 郭邵氏 郭靳氏

上十八人俱同治七年知縣葉爾安詳奉奏准入祠

以上見節孝祠總木牌

通上共計二百七十九人均不詳其父與夫名及事實已否有
傳無從考稽故備錄之

